

JU'UNIL TI' U T'A'ANAL WÍNIK TIA'AL U BEETAL LE TÁANIL K'ÁAT CHI'OB, SÍJ ÓOL, OJELA'AN, TU BEELIL YÉETEL UTSIL TUUKUL, TI' LE KAAJO'OB YÉETEL MÁASEWAL KAAJO'OB, TIA'AL KA YAANAK KÉETIL YÉETEL PÁAJTALIL TIA'AL U TS'ÍBTIKUBAJ JE' MÁAXAKE' KA YÉEYA'AK TUMÉEN LE KAAJNÁALILLO'OB TI' U PETLU'UMIL QUINTANA ROO.

Le Molayil Yéeybal ti' Quintana Roo bix u ya'ala'al ti' le jaats t'aano'ob 1º, 2º yéetel 133º ti' le Noj Áanalte'il A'almaj t'aan ti' le Múuch' Petenilo'ob Mejjicano'obo'; 1, 2, 3 yéetel 6 tu Nuupt'aano'ob xookil 169 te' Noj Molayil ti' Meyaj yo'olal le Máasewal bey Tribal Kaajo'ob ichil Noj lu'umil ku Meyaj tu Junal; 19 bey 32 ti' le Noj Num chi' te' Naciono'ob Unida'ob yo'olal le Toj Be'enilo'ob ti' le Máasewal Kaajo'obo'; XXIII te' Noj Num chi' Americaana yo'olal le Toj Be'enilo'ob ti' le Máasewal Kaajo'obo'; 13, xoot' ts'íib B, xookil IX ti' le Noj Áanalte'il A'almaj t'aan ti' le Petenil Síj óol bey Noj Jo'ol Póopiltikubaj ti' Quintana Roo yéetel 4 ti' le A'almaj t'aan ti' K'áat chi' le Kaajo'ob bey le Máasewal Kaajo'ob yéetel afromexicano'ob tu Petlu'umil Quintana Roo.

KU T'AANBAILTA'AL

LE JO'OL PÓOPILO'OB TI' MEK'TAN KAAJILLO', MEJEN KAAJO'OB, SUUKIL BEETO'OB YÉETEL MEYAJIL K'ÁAXIL, JE'EBIX LE MÚUCH' MEYAJLO'OB, MOLAYO'OB BEY TULÁAKAL LE MÁASEWAL KAAJO'OB TU PETLU'UMIL QUINTANA ROO, TAK U TÁAKPAJALO'OB TI' LE TÁANIL K'ÁAT CHI'OB, SÍJ ÓOL, OJELA'AN, TU BEELIL YÉETEL UTSIL TUUKUL, KUN BEETA'AL YO'OLAL U YA'ALIKO'OB BA'AX KU TUKULTIKO'OB, BIX U PÁAJTAL U MEYAJLO'OB YÉETEL BA'AX KU YA'ALIKO'OB KA BEETA'AK, YO'OLAL LE CHÚUNULO'OBO', KUXÓOLAL, MEYAJ YÉETEL BA'ALO'OB YAAN ICHIL LE JAAJKUNAJ MEYAJLO'OB CH'A'AN YÉETEL BEETA'AN TUMÉEN LE MOLAY TI' U YOKSIKUBAJ BEY U TS'ÍBTIKUBAJ TI' YÉEYBIL MÁASEWAL WÍNIKO'OB TI' KUUCHO'OB YÉEYIL KAAJNÁALIL TI' U BEETA'AL LE MEYAJLO'OB YÉEYO'OB, BIX U YA'ALA'AL KAABALO':

TSOOLLO'OB K'A'ABET U YOJELTA'AL

Jun jaats. Ti' le kúuchilo'ob kun áantaj ti' u beeta'al le k'áat chi'o'

- Wíniko'ob kun beeta'al le k'áat chi'o':** Kaajo'ob bey Máasewal kaajo'ob, ichil u kúuchil meyaj tu'ux ku jeets'a'al t'aan yéetel molayo'ob ku ye'esiko'ob bey ku u'yikuba'ob máasewalo'ob, ets'a'antako'ob tu Petlu'umil Quintana Roo.
- Jo'ol póopil ku k'oochtik le meyaj:** Le Molayil Yéeybal ti' Quintana Roo (IEQROO).
- Molay ku áantaj te' meyaj:** Le Molay utia'al Ch'íijil le Maaya Kaajo'obo' bey le Máasewal Kaajo'ob ti' u Petlu'umil Quintana Roo (INMAYA).
- Molay ku tusbeelta'al ichil le meyaj:** Le Molay Nojlu'umil ti' le Máasewal Kaajo'obo' (INPI).
- Molay ku kanántik u ma'alob meyaj le jo'ol póopilo'ob yéetel le kaajnáalillo'ob:** Le Molayil ku Ka'ansik u Toj be'enil Wíniko'ob tu Petlu'umil Quintana Roo (CDHEQROO).
- Much' meyajlo'ob ti' áantaj bey Jaajkunaj.** Yaan u táakpajal le jo'ol póopilo'ob kaajo'ob bey máasewal kaajo'ob a'ala'an ti'ob te' meyajlo'ob ti' k'áat chi' beeta'ab yáaxilo'.
- Much' meyaj ichil molayo'ob ti' u cha'abal u beeta'al le meyajlo'ob:** Le Molay Nojlu'umil ti' Yéeybal (INE), le Molay Nojlu'umil ti' Máasewal T'aano'obo' (INALI), le Noj molayil ti' u Táan óolta'al le Talamil yo'olal Yéeyballo'ob ti' Quintana Roo (TEQROO).
- Much' Meyaj J tsool xikin.** Le máako'ob UAQROO, UIMQROO u Centro de Apoyo a Indígenas Migrantes A. C.
- J suut t'aano'ob bey j suut ts'íibo'ob:** tia'al le máasewal t'aano'ob Maaya, Tseltal, Tsotsil yéetel Ch'ol.
- Máako'ob chéen kun il:** Wíniko'ob, molayo'ob bey much' meyajlo'ob ti' le Kaajnáalillo'ob Civil tsa'an K'ajóolbij tuméen le INMAYA.

Ka'a jaats. U ba'al le k'áat chi'o'

Utia'al u k'a'amal ba'ax ku tukultiko'ob, bix u páajtal u meyajlo'ob yéetel ba'ax ku ya'aliko'ob ka beeta'ak le wíniko'ob kun beetbil le k'áat chi'o', yo'olal le chúunulo'obo', kuxóolal, meyaj yéetel ba'alo'ob yaan ichil le jaajkunaj meyajlo'ob ti' táakpajalil bey chíikuilil poliitiko-elektoral ch'a'an yéetel beeta'an tuméen le Molay ti' u yoksikubaj bey u ts'íbtikubaj ti' yéeybil máasewal wíniko'ob ti' kuucho'ob yéeyil kaajnáalil ti' u beeta'al le meyajlo'ob yéeyo'obo'.

Óox jaats. Yo'olal ba'ax yéetel kaambalo'ob kun ilbij te' k'áat chi'o'

U yo'olal ba'ax le k'áat chi'o', leti'e piiso'ob administratiiva'o' bey tojilo'ob ku k'aaba'tikuba'ob jaajkunaj meyajlo'ob ch'a'an yéetel beeta'an tuméen le molay ti' u yoksikubaj bey u ts'íbtikubaj ti' yéeybil máasewal wíniko'ob ti' kuucho'ob yéeyil kaajnáalil ti' u beeta'al le meyajlo'ob yéeyo'obo', ku káajal, ti' le yalul a'ala'ano' ba'ale' mina'an u xuul, ti' le kaambalo'ob kun ilbij je'ela':

- U chíikuilil le kaajo'ob bey máasewal kaajo'ob ti' le mul kaajo'ob bey Kongreso Lokal.
- U chúunul le keetil tuukul ti' ko'olelo'ob yéetel xiibo'ob utia'al u jeets'a'al le toj be'enilo'ob poliitiko-elektoral ichil le máasewal xko'olelo'ob ti' Quintana Roo.
- Máasewal wíniko'ob ku ts'áakubaj yéeybil bey jo'ol póopil, ma' táakpaja'an ti' mix junp'éeel múuch'il ts'aka'an bejle'.
- Le wíniko'ob ku ts'áakubaj yéeybil bey jo'ol póopilo'ob k'a'abet u wu'yikubaj máasewal ti' u kaajal tu'ux ku taal.
- P'iiso'ob bey meyajlo'ob ku chúukbesaj ka u cha'ob u yaantal le táakpajalil poliitika te' kaajo'ob bey máasewal kaajo'ob tu Petlu'umil Quintana Roo.

Kan jaats. Bix kun beeta'al le k'áat chi'o'

a) Jaatsil ti' u ts'áabal k'ajóolbij le meyaj'

Ichil u k'iinil 28 tu wináal julio tak 03 tu wináal septiembre tu ja'ab 2023

Yaan u beeta'al le múuch' tsikbal ts'aa t'aan ti' kaajo'ob tu'ux kun tsoolbil bix kun beeta'al le meyaj ti' k'áat chi'o' yéetel yaan u k'u'ubul le nu'ukulo'ob num chi'o' je'ebix ju'unob ka'apaaka'an, ju'unil k'áat chi'ob bey le chan áanalte'o', ich kastelan t'aan bey le máasewal t'aano'ob ku t'aanal te' kaajo', Ichile' yaan le t'aano'ob yo'olal le jo'op'éeel kaambalo'ob kun ilbil'o', utia'al u yaantal tuukulil, tsikbalil bey u ts'aiko'ob ojelbij ba'ax ku ya'aliko'ob ka beeta'ak

Bey xane, le IEQROO yaan u ts'aik noj ojelbij le meyaj k'áat chi' kun beetbil'o' ichil le xookbil ju'un saansamal jach k'ajóola'an te' Péetenila', raadio, máaben ti' sáasil óochel, red socialo'ob, u paaginailo'ob jach leti' internet ti' le molayo'ob kun táakpajalo'ob te' beet k'áat chi'o', bisaj ti' nu'ukulil k'a'am t'aan bak'pach kaaj bey kúuchilo'ob kaaj tu'ux ku múuch'tal wíniko'ob.

b) Jaatsil ti' xot óol le meyaj'

Ichil u k'iinil 01 tu wináal agosto tak 18 tu wináal septiembre tu ja'ab 2023

Le máako'ob, kaajo'ob bey máasewal kaajo'obo' yaan u yaantal ti'ob k'iinil utia'al u tsikbal ichilo'ob, u tuukultiko'ob, u ch'a' t'aaniltiko'ob bey meent ba'ax ku ya'aliko'ob ka beeta'ak, ka wila'ak tu beel wáa ka u ya'alo'ob ba'ax ku tukultiko'ob, yo'olal bix u suuk tsool meyajlo'ob yéetel le t'aanil k'aama'an te' jaatsil ti' u ts'áabal k'ajóolbij le meyaj'.

Te' jaatsila' ma'atan u táakpajal le molayo'ob táakpaja'ano'ob te' meyaj', chéen wáa le jo'ol póopilo'ob wáa molayo'ob ku ye'esikuba'ob yo'olal le kaajo'obo', ka u k'áato'ob tu beel u táan yaantal le IEQROO utia'al u sáask'abta'al péek óolo'ob yo'olal le num chi' ku ts'áabalo' wáa le meyajil ku beeta'al ti' u páajtal u ya'aliko'ob u tuukulo'ob ichiluba'ob.

c) Jaatsil ti' meyaj k'áat chi'

Ichil u k'iinil 19 tak 30 tu wináal septiembre tu ja'ab 2023

Te' jaatsila' yaan u beeta'al 11 múuch' k'áat chi'ob, tu'ux le máax u poolil le meyaj' yaan u ma'alob tsikbal utia'al u k'amik le ba'alo'ob ku ya'ala'al u beeta'alo', ma'alob tuukulo'ob wáa ba'alo'ob ila'ab, ku taal te' k'aax t'aano'ob beeta'an te' máasewal kaajo'obo', utia'al u xaak'alta'al bey u jeets'a'al k'aax t'aano'ob bix k'a'abet.

Le kéen ts'o'okok le jaatsila' le máax u poolil le meyaj k'áat chi'a' ts'o'ok u k'amik le ba'alo'ob ku ya'ala'al u beeta'alo', le ila'abo' wáa le ku tuukulta'al yo'olal le kaambalo'ob ku k'áata'alo'.

Utia'al ak ts'o'okol ti' le múuch' k'áat chi'o', yaan u tso'olol te' máaxo'ob táakpajo', wáa u k'áato'obe' u páajtal u yéeyiko'on juntúul máak utia'al u táakpajal te' múuch' meyajlo'ob kun meyajlo'ob yo'olal le k'aax t'aano'ob ch'a'abo'.

d) Baykunaj le k'aax t'aano'obo' bey u yila'al wáa jaaj

Le jo'ol póopiltik le meyaj ti' le k'áat chi'o' yaan u beetik u táakpajal le ba'ax ts'áaj ojelbil te meyaj k'áat chi'o' ichil le jaajkunaj meyajob utia'al le keen u yoksubaj bey u ts'íibtubaj le máasewal máako'ob tak u yéeya'alo'ob ti' jo'ol póopil ti' le Kongreso Lokal yéetel le Mul Kaajo'obo'.

Le p'iiso'ob ch'a'abo' k'a'abet u ts'áabal ojelbij ti' le máaxo'ob kun táakpajal te' meyajil k'áat chi'o', kéex wáa ts'o'ok u yáax ts'áabal k'ájoolbij ti' tuláakal máak, je'ebix te' jejeláas kúuchilo'ob le Molayo', bix le nu'ukulo'ob ti' internet utia'al le molayo'obo'.

Kan jaats. Kúuchilo'ob ti' le múuch' tsikbal ts'aa t'aan ti' kaajo'obo'

Xoot' Lu'um	Méek'tan kaajil	Kaajo'ob	U k'iinil	K'iin
Tulum	Tulum	Comunidad Manuel Antonio Ay: Calle 10 X C 7 Y Carr. Tulum-Coba S/N.	28 de julio 2023	9:00 de la mañana
José María Morelos	José María Morelos	Domo del Parque de San Juan: Calle 49 Jacinto Canek entre Av. José María Morelos.	28 de julio 2023	3:00 de la tarde
Bacalar	Bacalar	Domo de Usos Múltiples: Av. 19 entre Calle 38 Y 40, Colonia Luis Donald Colosio.	29 de julio 2023	9:00 de la mañana
Othón P. Blanco	Alcaldía Dos Aguadas	Calle 04 de marzo entre Av. Del Deporte y Calle S/N.	29 de julio 2023	1:00 de la tarde
	Alcaldía Cerro De Las Flores	Calle Bugambilias (Última Calle Oeste).	29 de julio 2023	3:30 de la tarde
	Alcaldía Nicolas Bravo	Domo Deportivo Nicolás Bravo: Av. Niños Héroes Esq. Benito Juárez.	30 de julio 2023	9:00 de la mañana
	Alcaldía Javier Rojo Gómez	Domo Deportivo Javier Rojo Gómez: Av. Leona Vicario S/N	30 de julio 2023	1:00 de la tarde
	Chetumal	Domo del Parque General Lázaro Cárdenas del Río: Av. Álvaro Obregón entre Av. Emiliano Zapata Y Av. Rafael E. Melgar.	30 de julio 2023	5:00 de la tarde
Felipe Carrillo Puerto	Noh-Bec	Domo de la Alcaldía Noh-Bec	01 de agosto 2023	9:00 de la mañana
	X-Hazil-Sur	Domo de la Comunidad X-Hazil-Sur	01 de agosto 2023	2:00 de la tarde
	Felipe Carrillo Puerto	Teatro de la Ciudad: Calle 65 entre 68 Y Av. Benito Juárez, Col. Centro.	01 de agosto 2023	4:00 de la tarde
	X-Pichil	Domo X-Pichil	02 de agosto 2023	9:00 de la mañana
	Señor	Domo de Señor	02 de agosto 2023	12:00 del medio día
	Chan Santa Cruz	Delegación Chan Santa Cruz	02 de agosto 2023	2:00 de la tarde
	Presidente Juárez	Domo Presidente Juárez	02 de agosto 2023	4:30 de la tarde
	San Ramón	Domo San Ramón	03 de agosto 2023	9:00 de la mañana
	Francisco I. Madero	Domo Francisco I. Madero	03 de agosto 2023	1:00 de la tarde
Chumpón	Domo Chumpón	03 de agosto 2023	4:00 de la tarde	
Lázaro Cárdenas	Kantunilkin	Domo del Centro: Av. Javier Rojo Gómez.	25 de agosto 2023	9:00 de la mañana
Benito Juárez	Alfredo B. Bonfil	Domo de la Vicente Guerrero: C. Francisco Villa 2484, 77560.	26 de agosto 2023	9:00 de la mañana
	Cancún	ICCAL: Av. Carlos Nader Supermanzana 2 Bancos, 77500.	26 de agosto 2023	1:30 de la tarde
Isla Mujeres	Isla Mujeres, Zona Continental	Casa Ejidal: ubicado en la Av. Gastón Alegre	27 de agosto 2023	9:00 de la mañana
Solidaridad	Playa del Carmen	Domo del Parque Lázaro Cárdenas: Calle 30 Av. Norte S/ Esquina Con Calle 68 Col. Colosio.	01 de septiembre 2023	9:00 de la mañana
Cozumel	Cozumel	Domo del Parque 10 de Abril: Calle 50 Av. Norte, esquina Calle 14 Col. 10 de Abril.	02 de septiembre 2023	9:00 de la mañana
Puerto Morelos	Puerto Morelos	Domo de la Cabecera Municipal	03 de septiembre 2023	9:00 de la mañana
	Leona Vicario	Domo de la Delegación Leona Vicario	03 de septiembre 2023	11:00 de la mañana
	Delirios	Delegación Delirios	03 de septiembre 2023	1:00 de la tarde
	Central Vallarta	Subdelegación Centra Vallarta	03 de septiembre 2023	4:00 de la tarde

Jo'o jaats. Kúuchilo'ob ti' le múuch' k'áat chi'obo'

Le xook k'iin ti' múuch' k'áat chi'ob noj kaaj yéetel méek'tan kaajilo'obo', yaan u múuch'ik le máaxo'ob jo'ol póopiltik le meyajá, lela' yaan u p'áatal beya':

Méek'tan kaajil	Kaajo'ob	U k'iinil	K'iin
Tulum	Comunidad Manuel Antonio Ay: Calle 10 X C 7 y Carretera Tulum-Coba S/N.	19 de septiembre del 2023	9:00 de la mañana
José María Morelos	Domo del Parque de San Juan: Calle 49 Jacinto Canek entre Av. José María y Morelos.	20 de septiembre del 2023	9:00 de la mañana
Bacalar	Domo Usos Múltiples: Av. 19 entre Calle 38 Y 40, Col. Luis Donald Colosio.	21 de septiembre del 2023	9:00 de la mañana
Othón P. Blanco	Domo del Parque General Lázaro Cárdenas del Río: Av. Álvaro Obregón entre Av. Emiliano Zapata Y Av. Rafael E. Melgar.	21 de septiembre del 2023	3:00 de la tarde
Felipe Carrillo Puerto	Teatro de la Ciudad: Calle 65 entre 68 y Av. Benito Juárez, Col. Centro.	22 de septiembre del 2023	9:00 de la mañana
Lázaro Cárdenas	Kantunilkin, Domo Del Centro: Av. Javier Rojo Gómez	23 de septiembre del 2023	9:00 de la mañana
Benito Juárez	ICCAL: Av. Carlos Nader Supermanzana 2 Bancos, 77500 Cancún.	24 de septiembre del 2023	9:00 de la mañana
Isla Mujeres	Zona Continental, Primaria Indígena "Florencio Chan", Loc. Francisco May, Km. 28.	29 de septiembre del 2023	9:00 de la mañana
Solidaridad	Playa del Carmen, Domo Parque Lázaro Cárdenas, Calle 30 Av. Norte S/N, Esquina con Calle 68. Col Colosio.	29 de septiembre del 2023	3:00 de la tarde
Cozumel	Domo del Parque el 10 de Abril: Calle 50 Av. Norte Esquina Calle 14 Col 10 de Abril	30 de septiembre del 2023	9:00 de la mañana
Puerto Morelos	Domo de la Cabecera Municipal	30 de septiembre del 2023	3:00 de la tarde

Wak jaats. Tsool t'aan

Le meyjilo'ob ti' le Noj kúuchil ti' Almejen Molayilo'ob ti' le Molayil Yéeybal ti' Quintana Roo leti'ob kun áantaj utia'al je' máakalmáak tamil ku yaantal te' wiiniko'obo', kaajo'ob bey máasewal kaajo'ob tu yo'alal le nu'ukulo'ob ti' num chi' ts'áabo', ichil le koreo elektrooniko partidos.politicos@ieqroo.org.mx tu k'iinil lunes tak viernes ti' 09:00 ja'atskab k'iin tak 03:00 u chíinil k'iin, te' xookilo'ob ti' nu'ukul t'aan 01 (983) 832 19 20 yéetel 01 (983) 832 89 99, u chúuka'anil 220 wáa ti' le kúuchilo'ob meyaj le IEQROO, yaano'ob ti': Av. Calzada Veracruz No, 121 Colonia Barrio Bravo, C.P. 77098, Chetumal, Quintana Roo, México. Bey xane, le tsool t'aan yo'alal le meyajil ti' k'áat chi'o' ti' yaan te' microsítio <https://portal.ieqroo.org.mx/consultaindigena2023/> tu paajinail jach leti' le Molayo'.

Uk jatas. Le ba'alob mina'an te' Ju'unil ti' u t'aanal wiinika', yaan u táan óolta'al tuméen le Múuch' wiiniko'ob ti' Almejen Molayilo'ob ti' le Molayil Yéeybal ti' Quintana Roo.

Kaajil Chetumal, Quintana Roo, tu wináal julio tu ja'ab 2023.